

畧陽縣誌卷之六

畧陽縣知縣晉襄垣李遇春編輯

太學

生李東甲校補

古今詩集

唐鄭谷武興州詩

向蜀還秦計未成
寒蛩一夜透床鳴
愁眠不穩孤燈盡
坐聽嘉陵江水聲

杜甫夜聽嘉陵江水聲

鑿崖溢奔湍
稱古神禹跡
夜喧山門店
獨宿不安席
水性自云靜
石中本無聲
如何兩相激
雷轉空山驚
貽之道門舊
了此物我情

飛仙嶺詠

土門山行窄
微徑綠秋豪
棧雲攔干峻
梯石結構牢
萬壑歛疎林
積陰帶奔濤
寒日外淡冶
長風中怒號
歇鞍在底地
始覺所歷高
往來雜坐卧
人馬同疲勞
浮生有定分
飢飽豈可逃
嘆息謂妻子
我何陋汝曹

宋鮮于侁遊靈巖

千峯環郡宇水遶城堞每憐山水佳况復開
巖穴川流數里近放掉攀戴冥靈巖駭神化
環蔭數畝闊何人營佛祠棟宇殆天設前軒
瞰谿山眺聽心耳豁徑穿巨川下碧玉聳高
節涓流瀉石硤玉乳井且潔其東方乃小巖洞
戶敞深徹嵌巖見石柱任重立精鐵昔人偶
貞仙相携覩金闕川平聽雞犬始覺人世別
屈曲沿清谿桃花正開發塵緣念鄉縣歸思
苦弦苦寤寐瞬息間巖扉已嚴鑄時遷筆陵
谷事勝存圖牒獨有滄江流清宵鑒明月予
來秋之季氣象頗淒切草木自變衰山花常
發活清暉飡賞適異景差勝絕薄暮上歸舸
依然望林越

王龍學

古寺山垆遠躋攀一逕斜洞深留碧靄溪急
蕩晴沙殿接崑松影堂鄰野客家謁僧詢世
事無語指燈花

蘇欽

高峯峭壁近江城曉日浮舟蕩漾明並峙幽
巖雲外邃明來嘉客坐間盈冷冷迸石甘泉
冽馥馥襲人和氣生此景此遊俱勝絕詩壁
仍仰萬人英

秘書監丞劉異

藥水標題不記年竒花深洞舊通仙山迴巨
廡常遮日境絕纖埃別是天碧照東西江浩
渺綠迷高下竹嬋娟凭欄周覽翛然靜金像
香殘一炷煙

太守會稽盧剛靈巖感懷

摩娑石刻拜方輿誤國從初恨老秦十六州
歸仍遺虜百餘年事語誰人出師表在今如
始墮泪碑存舊似新江水江花豈終極風光
一任轉青春

推官富言上

聞說靈巖境最幽乘閑艤棹共追遊飛泉翠
滴半空雨古樹陰連萬壑秋縹緲香烟籠梵
榻嵯峨山勢枕江流登臨眺望關河遠惹起

思鄉戀國愁

歐陽詹靈巖述舊

不到靈巖又二年重來風景尚依然層巒迥
出晴霄外倦鳥歸飛夕照邊坐愛雲林泉石
好行尋煖谷野橋連周遊不覺天將晚暫借
僧房一榻眠

僉事王經靈巖紀勝

靈巖竒絕俯林垆梯上層巒步一停朔意難
欺芳樹色佛頭濃抹遠山青半泓藥水瘳民
疾兩破雲峯展翠屏忙我客懷瞻劍閣寒鳥
飛處見蒼冥

李茂先同太守虞曹郎文紳儀遊

靈巖偶得片時留傾倒清尊興未休香積尋
常分藥水禪林自昔枕江流羊腸盤轉層崖
險山腹空懸古洞幽談笑相違情更厚何當
携手約重遊

文紳儀

一入靈巖寺凭欄望眼遙山深雲障日江闊

夜生潮古洞遺仙跡
流泉傍石橋醉來搔首
咏得句興偏饒

虞曹郎

禪林高聳倚晴空
梯上層巒紫翠重
雲氣下成風
雨陣嵐光高接斗
牛宮流泉藥水瘳
民疾古洞神仙有
路通竊欲捫蘿登
絕頂細將民隱達
天聰

皇明副使梁觀題畧陽疆域詠

四壁嵐光接水光
凭高盡日看舟航
一廡花影關公署
蒲邑笙歌樂醉鄉
水陸雲煙通蜀沔
官民風化樂虞唐
融融曉日堦前色
何事當時號畧陽

副使劉瓚述嘉陵風景詠

翠壁嵐光雨後鮮
峩如畫碧連天
漁翁坐釣江邊月
敗客舟浮水上仙
官味一廡羨石芥
民生三飯種山田
雨暘時若天邊惠
願沛民逢大有年

副使李崑駐節分司詠

萬點青山似奕碁滿江雲碧影漣漪分開日
色山難掩流盡年光水不知草綠庭前公務
少民安田里政聲奇萬紅香細蕪堆翠不覺
怡情去魯遲

副使伍福分司夜坐思遊靈巖詠

小舟如箭下寒江駐節嘉陵夜漏長灘挾風
聲驚夢醒山霏嵐氣到窓涼星臨輿鬼抵秦
分語似巴渝近蜀鄉藥水有崖靈跡在擬分
一勺沁詩腸

次日遊靈巖紀事

駐節來尋郝閣銘攔羅風磴扣禪扃萬年古
洞神蹤異一脉寒泉藥水靈恠石亂垂龍瓜
黑竒峯秀直聳佛頭青滿天涼籟塵心滌蕩漾
歸舟月照汀

通判張頌題嘉陵夜雨曉晴

雲起山頭靄四方晚山無處見斜陽虹吟雨
意寒先覺兔掩秋光夜未央急水偶從崖上
落驚濤立聽耳中忙曉來誰遣重陰退隱隱

陽和入畫堂

巡茶劉侍御駐節峽口驛

停驂峽口驛饒望面前山入暮嵐光淡弄春
草色斑流泉聲汨汨啼鳥語關關萬物皆欣
足一官獨未閒元宵事奔走明月計循環良
夜或虛度題詩一解顏

畧陽道中

迢遞畧陽道山行又水行雨滋石磴滑風送
席帆輕船磨臨湍急梅花近水清氤氳山氣
合掩護隴雲橫木子東風裏時聞弄笛聲

六言四首

桂棹衝開濤浪馬蹄踏碎烟雲綠水青山常
見金壇玉洞空聞

白水遠天來際青峯近插雲中一曲山歌樵
子半簑烟雨漁翁

淡淡濃濃遠樹重重疊疊高山塞外征人未
返天邊倦鳥飛還

石磴高低道路茅卷遠近人家山靜時聞啼

鳥江空喜見梅花

白水驛

夜渡白水泥正滑曉啓扉雨初歇春禽枝
上開春風殘月山頭照殘雪

通判朱綱遊靈巖詠

誰運神工霄漢間鑿山成洞不知年長江跨
谷龍蟠霧峭壁依林虎卧煙石蹬高盤雲影
外玉泉遠洩佛龕前登臨頓覺消塵癖恍惚
疑身在九天

一江盤曲萬山間登賞移時是樂年倏閱飛
空恒隱霧靈巖懸閣久吞煙林深散步蒼雲
下泉暗分池古洞前此夜停舟莫歸去好陪
星斗共青天

林靜山幽梵宇間羊腸狹道喜躋攀雲中高
聳巖千尺天外流通水一灣鳥到翅搗星宿
過仙遊仗挑月明還地靈果見來人傑擬泛
浮槎牛女間

知縣白桂駐節硤口驛詩

百里河山盡日程春風到處馬頭迎幽人自
適追龐古野老迂徐道姓名髮白未妨心上
赤酒酣愈覺眼中明思親午夜情千種雲鎖
天涯夢不成

致仕拙菴賈文琮同縣尹二杉白桂遊靈巖

暫繫官舟碇水邊危峯壁立費攀緣金仙幾
見山頭日石柱孤撐洞口天用世客來宜覽
秀傳燈僧老喜談禪追陪英俊酬清賞未報
君恩愧暮年

同知張良知

絕壁開千仞寶刹通玄靈幽勝夙有慕頻年
役浮名公餘艤江掉微雨欣暫晴丹梯陟雲
霄披竹叩禪扃石柱擎巨崖瑤宮自天成閣
抱烟霞邃林蟠日月冥藥水傳神異清冷濯
塵纓梵流玉樹發香繞雨花零長虹飛窈窕
丹洞宿靄橫儵然超物表心境寂以清登覽
興未極落日暗雙旌

通判任企賢遊靈巖詩賦

賞春江上泛仙槎重到雲栖老衲家坐浣綠
煙分岸草行衝紅雨落山花毫揮短架詩懷
壯甕吸長竿麪味嘉日閣危峯天欲暝篝燈
遙望候汀沙

抱璞辭荆麓分麾倅漢涯野橫民作殍山聚
盜貽羅霍迅臺端擻雲屯闔外師三驅綏順
命一怒積僵尸岵虎潛收吻村龐卧長齧其

崇陪杖履

時倅寮馬田細柳駐旌旗衛帥秦湯
抽庵撫此系柳馬旌旗泉王曲水

鎮此
即主

東閣開雖迥南樓興自奇搯携兼市味

舟泛界江涓欸乃長歌發鏃鏘小隊隨尋芳
春欲半濟勝具偏宜客憇依金相僧迎藝玉
糝谷傳聲遠應崖蝕句多疑兩檜團清影三
櫓挺勁姿洞虛危結石湫冷曲通池向咲花
開綴馳青草陸離懷亞煙霞董道骨簫鼓動
吟脾擁矢投方甕敲碁賞巨窰劫塵閑半日
風月遶新知文武推同趣豫遊聊及時四郊
多設壘千里定悲岐樂意難常遂奇逢似夙
期觀風容吏隱近日荷君私勝地來時重

指三君子浮生達者誰慢遊非美事偕樂是良規
寄語湖山主公餘試再思

副使雲江錢泮五月巡畧陽山途雨霽

萬峯雲淨雨初收
硤口蕭森路更幽
綠遍水田桑柘沃
翠連山郭室廬稠
花含潤氣迎征旆
風進清涼沁葛裘
盈室喜占秋有望
不徒樽酒釋先憂

都御史可泉胡績宗挽孫尹節義詩

廟因赤子圖形立碑爲忠臣
賭命開感慨客懷扶水哭
顛危人抱畧山哀

僉事郭從道和可泉韻

忠魂飄落知何處
化作愁雲鎖未開
惟有嘉陵江上水
滔滔不盡古今哀

致仕賈文琮和前韻三首

惟知取義求無愧
不恤顛危膽氣開
尚樹旌忠碑廟在邑人
猶望峴山哀

猖獗虜勢真難禦
城爲力窮始陷開
就死如常今張許
丹心照汗復何哀

從容就義全忠節
華袞褒封特地開
縹緲忠魂何處去
登臨堪嘆亦堪哀

知縣李遇春

和前韻

忠精貫日竒今古
一夕成仁正氣開
從容就義真男子
烈烈轟轟莫怨哀

平生氣節當年立
萬代綱常自此開
長江怒浪爲君恨
枯木寒鴉總是哀

雜韻二律

節義祠前碧草秋
孤忠凜凜寄山丘
千年家

國餘光在一策
乾坤正氣收

勅建祠林
嚮後世官褒
卿相勸前修
行人濺淚多
慄恨訴與長江
萬古流

殘碑獨立廟荒幽
血食山城路畔頭
墻外野雲依樹渡
橋邊曲水抱祠流
深恩已許存生氣
遺恨難消貫斗牛
晉代人英雄並伍
雲山江水共悠悠

致仕劉儀

和可泉韻

賊兵環聚如蜂蟻
分守東門未肯開
無限愁

懷書不盡江聲日夜爲君哀

監生李東甲

奉檄城畧日東門分守時群敵頻西聚孤旌
逸邑馳萬口呻吟苦一身力莫支慷慨忠君
志從容就賊肢

監生賈言

和可泉公前韻

功名初向扶風立義膽時逢畧水開一令尚
能思報

國干城之寄不須哀

雜韻五首

職盡文郎死盡忠人人誰不羨若公一時節
義傳千載廟祀無窮古寺東

節義何須論古今事君委質卽爲忠文郎實
見生無益死向鋒鏑報

國祭

僧軒東畔一亭幽碑上心懷爲

國酬身死名芳英氣在夜深還見劍光浮

碑樹當年爲節崇祠壁詩詠泄哀情英魂自

是成仁者愧殺奸雄誤國人

當初只說巡遠死孫尹誰知節亦崇慷慨捐

軀輸報

國青書誰不道英雄

孫公祠廢日又邑侯靜軒李公重修綠可泉公

前顛紀事

李東甲

祠宇傾無立懷抱向誰開自此更新日夜後

復何哀

賈言

節祠久廢誰人立愁鎖天涯向那開幸際仁

心先及此九原安後復何哀

新作南門詠爲邑侯李公紀事

致仕張傑

鉅野嘉聲動

帝高遷來牧畧任經勞南門新作出人意公府何曾

損一毛

致仕何洋和前

捉脉尋龍手段高賢侯爲

國不辭勞功成名播垂不朽池上還看有鳳毛

致仕王仲傑

賢牧經勞建午門畧城自此得長寧誰人爲
紀竒功事上考應知譽不輕

知縣李遇春遊靈巖

春深遊賞正開花淺白深紅夾路遮疑是天
生摩詰畫恍如身入武陵家竹嶺翠深添景
色桃源紅爛妬韶華停驂且向林泉看真是

源頭活水涯

縈紆曲徑盡山花漏洩春光不可遮羅漢洞
中泉漱王梵王宮畔樹成家衣襟濃染煙霞
氣語笑香薰草木華綠樹青山江水繞禪林
美景樂無涯

教諭曹子濂遊靈巖

和前韻

白水風濤噴雪花半岩深處幕天遮宏容梵
刹敲鈴語谷列僧房賽大家仰視石雲新樣
巧週迴曲徑物偏華龍淵即此非聞得高外

無人更有涯

訓導曹鑾

和前韻

古寺春遊多野花
崔巍山勢面前遮
清泉細細來幽谷
瑞靄重重映野家
盃斝相傳樂會聚
壺觴交錯醉韶華
同舟冠蓋歸來晚
猶說今朝與未涯

畧陽八景

靈巖夕照

靈峻雨聲

北堡文鷗

丙穴嘉魚

白崖樵唱

寒蓬積雪

明水拋珠

藥水療疾

卷之六終

重脩畧陽縣誌跋

余惟邑之有賢宰猶國之有賢相宰寶圖誌以治分土相寶圖籍以治弼服其氣象規模雖勢不能無廣狹而甸治區畫其致一也

邑侯李公重脩畧陽縣誌則其圖書兼舉義例精到綱紀較若畫一舉而措之天下亦猶是耳公所具者遠大之圖而豈屈於邑宰之任也耶東甲與賈友言辱知公門辭弗能却迺應嘉命協心校補尚冀刻梓以與知言知德君子共之後之欲崇公之勲烈者其亦仰止云爾

嘉靖壬子歲仲秋吉日太學生李東甲謹跋

